

NTAWV XAJ XWM CEEV #31
Lub Koom Haum Badger Bounce Back

RAWS LI, nyob rau Lub Kaum Ob Hlis Ntuj, 2019, tau kuaj pom ib tus kab mob tshiab ntawm tus kab mob corona, tam sim no raug hu ua COVID-19, thiab nws tau kis thoob plaws ntiaj teb, suav nrog txhua lub xeev hauv Teb Chaws Meskas;

RAWS LI, thaum Lub Ib Hlis Ntuj Tim 30, 2020, Lub Koom Haum Thoob Kev Noj Qab Haus Huv Ntiaj Teb (World Health Organization) tshaj tawm tus kab mob COVID-19 ua rau muaj Kev Txhawj Xeeb Thoob Ntiaj Teb Txog Pej Xeev Kev Noj Qab Haus Huv;

RAWS LI, thaum Lub Peb Hlis Ntuj Tim 12, 2020, Tus Tswv Xeev Tony Evers tau tshaj tawm ib qho xwm ceev txog kev noj qab haus huv ntawm pej xeev thiab tau qhia tag nrho rau cov koos haum kom pab txhawb nqa rau qhov kev mob siab rau los teb thiab tus kab mob COVID-19 nyob hauv Xeev Wisconsin;

RAWS LI, thaum Lub Peb Hlis Ntuj Tim 13, 2020, Thawj Tswj Hwm Donald Trump tau tshaj tawm Lub Teb Chaws Muaj Xwm Ceev Hais txog tus kab mob COVID-19;

RAWS LI, nyob ntawm Lub Plaub Hlis Ntuj Tim 19, 2020, 2,241,359 cov neeg thoob ntiaj teb tau kuaj pom tus kab mob COVID-19, suav nrog 690,714 tus neeg nyob Teb Chaws Meskas thiab 4,346 tus neeg nyob hauv Xeev Wisconsin;

RAWS LI, Tus kab mob COVID-19 muaj nyob thoob plaws Xeev Wisconsin, nrog cov neeg kuaj pom tus mob COVID-19 hauv 65 ntawm 72 lub cheeb nroog suav txij li Lub Plaub Hlis Ntuj Tim 19, 2020 los;

RAWS LI, ntawm Lub Peb Hlis Ntuj Tim 24, 2020, kuv, Andea Palm, Kuv, Andrea Palm, Tus Thawj Hauj Lwm-tus neeg tuav hauj lawm ntawm Xeev Wisconsin Lub Tsev Hauj Lwm Muab Kev Pab Cuam Kev Noj Qaub Haus Huv, tau tawm Daim Ntawv Xaj Xwm Ceev #12, Daim Ntawv Xaj Nyob Hauv Tsev Rau Kev Nyab Xeeb Dua (txuas ntxiv no " Daim Ntawv Xaj Nyob Hauv Tsev Rau Kev Nyab Xeeb Dua"), xav kom txhua tus neeg hauv Xeev Wisconsin yuav tsum nyob hauv lawv lub tsev los sis qhov chaw nyob tshwj tsis yog muaj xwm txheej dab tsi;

WHEREAS, ntawm Lub Plaub Hlis Ntuj Tim 16, 2020, Kuv tau hloov kho thiab txuas ntxiv Daim Ntawv Xaj Nyob Hauv Tsev Rau Kev Nyab Xeeb Dua kom tso cai rau cov lag luam tshiab muaj txoj hauv kev rov qab los ua hauj lwm thiab ntxiv rau cov kev ntsuam xyuas tshiab los ua kom cov neeg ua hauj lwm thiab cov neeg siv khoom muaj kev nyab xeeb dua;

RAWS LI, Daim Ntawv Xaj Nyob Hauv Tsev Rau Kev Nyab Xeeb Dua yog ua hauj lwm kom los txo qis ntawm kev sib kis tus mob COVID-19 hauv Xeev Wisconsin, thiab peb tau pib pom tau qhov muaj txiaj ntsig zoo los ntawm kauj ruam no;

RAWS LI, peb paub hais tias Daim Ntawv Xaj Nyob Hauv Tsev Rau Kev Nyab Xeeb Dua ua hauj lwm kom los tiv thaiv tau qhov kev sib kis nrawm hauv tus kab mob COVID-19 cov xwm txheej uas tuaj yeem ua rau peb cov kev saib xyuas kev noj qab haus huv tsis zoo thiab ua rau muaj kev phom sij ntau ntxiv;

RAWS LI, Nrog rau qhov kev nce qib uas Xeev Wisconsin tau ua kom los txo qis qhov siab thiab ua kom qhov kev sib kis tus kab mob COVID-19 qeeb, peb yuav tsum tau saib ua ntej txhawm rau Xeev Wisconsin yuav npaj rov qab los ua lag luam li qub;

RAWS LI, Thawj Tswj Hwm Donald Trump Cov Lus Taw Qhia rau Kev Qhib Teb Chaws Asmeskas Dua, tshaj tawm rau Lub Plaub Hlis Ntuj Tim 16, 2020, muaj kev qhia kom nkag siab txog dav thiab xav txog kev rov ua lag luam dua yam tsis muaj kev noj qab haus huv rau pej xeem uas peb tau ua hauv kev tiv thaiv rau tus kab mob no;

RAWS LI, coj los ntawm kev tshawb fawb, cov lus qhia txog kev noj qab haus huv rau hauv teb chaws, thiab kev qhia los ntawm Tsoom Fwv, Daim Ntawv Xaj no ua raws li qhov kev txwv rau kev hu mus rau qhov kev txwv kom qis hauv Daim Ntawv Xaj Nyob Hauv Tsev Rau Kev Nyab Xeeb Dua ; thiab

RAWS LI, raws li peb tau pom, cov teeb meem kev noj qab haus huv pej xeem tuaj yeem hloov sai, thiab cov kauj ruam no yuav tso cai rau cov tib neeg thiab cov lag luam muaj txiaj ntsig ntau li ntau tau thaum suav txog qhov tsis muaj tseeb ntawm qhov kev sib kis loj.

YOG LI TAM SIM NO, Kuv, Andrea Palm, Lub Tsev Hauj Lwm Muab Kev Pab Cuam Kev Noj Qaub Haus Huv Tus Thawj Hauj Lwm-tus neeg tuav hauj lawm, los ntawm txoj cai uas muab rau kuv los ntawm Cov Kev Cai Lij Choj ntawm Lub Xeev, suav nrog tab sis tsis txwv rau Tshooj 252.02 (3), (4), thiab (6) ntawm Xeev Wisconsin Cov Cai, kom ua raws li hauv qab no:

- 1. Cov Kauj Ruam.** Xeev Wisconsin yuav tsum siv txoj hauv kev los qhib nws txoj kev lag luam thiab zej zog, nrog txhua ntu yuav txwv tsis pub muaj kev txwv ntau dua rau cov lag luam thiab cov tib neeg thaum tiv thaiv pej xeem los ntawm tus kab mob COVID-19. Lub Tsev Hauj Lwm Muab Kev Pab Cuam Kev Noj Qaub Haus Huv yuav tsum tshaj tawm txoj kev hloov rau txhua Hauj Ruam nrog kev ua tib zoo txiaiv txim ntawm tag nrho cov hauj lwm uas yuav ua txuas mus ntxiv. Cov hauj ruam suav nrog:

- a. **Nyob Hauv Tsev Rau Kev Nyab Xeeb Dua.** Tam sim no pib siv, raws li tsim tawm hauv Cov Ntawv Xaj Xwm Ceev #12 thiab #28.
- b. **Hauj Ruam Ib.** Hauj Ruam Ib yuav suav nrog kev tso cai rau coob leej mus txog 10 tus neeg; cov khw noj mov qhib nrog cov xav kom ua ntawm kev nyob sib nrug deb; tshem tawm qee qhov kev txwv qee yam suav nrog kev muag khoom muag rau Cov Lag Luam thiab Cov Hauj Lwm Tseem Ceeb ; kev ua hauj lwm ntxiv rau cov lag luam uas tsis tseem ceeb; cov tsev kawm ntawv qib K-12 yuav rov pib ua hauj lwm tim ntsej tim muag dua; thiab chaw zov me nyuam rov qab qhib hauj lwm li qub.
- c. **Hauj Ruam Ob.** Kauj Ruam Ob yuav suav txog kev tso cai rau coob leej mus txog 50 tus neeg; cov khw noj mov rov ua hauj lwm yam puv nkaus; cov bar haus dej cawv rov qhib dua nrog cov xav kom ua ntawm kev nyob sib nrug deb; cov lag luam uas tsis tseem ceeb rov ua txoj hauj lwm nrog cov xav kom ua ntawm kev nyob sib nrug deb; thiab tej zaum cov tsev kawm qib nrab ua hauj lwm rov qab ua hauj lwm.
- d. **Kauj Ruam Peb.** Kauj Ruam Peb yuav rov pib ua txhua yam hauj lwm lag luam thiab kev sib sau, nrog rau kev tiv thaiv thiab kev tiv thaiv tsawg tsawg rau hauv zej tsoom thiab muaj kev tiv thaiv ntau rau cov neeg tsis muaj zog.

2. **Cov kev vam meej los ntawm Cov Kauj Ruam.** Lub Tsev Hauj Lwm Muab Kev Pab Cuam Kev Noj Qaub Haus Huv yuav tsum ntsuas cov ntaub ntawv tshiab dhau los txhawm rau txiav txim thaum nws tsim nyog los ua kom tiav mus rau Kauj Ruam tom ntej. Txhawm rau txav mus rau Kauj Ruam tom ntej, lub xeev yuav tsum ua kom muaj kev vam meej mus txog cov hom phiaj tau txheeb hauv qab no yog Cov Luag Hauj Lwm Tseem Ceeb thiab Tus Qauv Tseem Ceeb.

- a. **Cov Luag Hauj Lwm Tseem Ceeb.** Lub xeev yuav tsum qhia kev nce qib los sis kev vam meej hauv cov chaw hauv qab no:
 - i. **Kev Soj Ntsuam.** Txhua tus neeg nyob hauv Xeev Wisconsin uas muaj cov tsos mob ntawm tus kab mob COVID-19 muaj kev mus kuaj tus kab mob no. Cov txiaj ntsig yuav qhia rau tus neeg mob thiab cov neeg saib xyuas kev noj qab haus huv hauv 48 teev tom qab khaws cia. Lub hom phiaj tseem ceeb tshaj plaws yog ua 85,000 qhov kev kuaj nyob rau ib lub lim tiam los yog kwv yees li 12,000 qhov kev kuaj hauv ib hnuv.
 - ii. **Kev Soj Qab.** Ua kom muaj kev sib cuag tau ntau txog 1,000 tus neeg thiab siv thev naus laus zis los daws teeb meem

kom ntseeg tau hais tias txhua tus neeg kis los sis raug kis zoo yuav muaj kev sib cais los sis cais tawm.

iii. Taug Soj Xyuas. Cov tsev tsim cov qauv siv los soj xyuas khaub thuas thiab kev sib kis tus kab mob COVID-19, soj xyuas kev sib kis ntawm tus kab mob COVID-19 thiab qhia txog Xeev Wisconsin Tus Qauv Tseem Ceeb thiab lwm yam kev ntsuas cuam tshuam.

iv. Cov Khoom Siv Tiv Thaiv Ntawm Tus Kheej (PPE). Nrhiav PPE thiab lwm yam khoom siv tseem ceeb los txhawb kev saib xyuas kev noj qab haus huv thiab cov chaw ua hauj lwm kev nyab xeeb rau pej xeeb.

v. Peev Xwm Ntawm Kev Saib Xyuas Kev Noj Qab Haus Huv. Txheeb xyuas qhov xav tau thiab npaj tau los pab txhawb kev muaj peev xwm rau peb txoj kev kho mob.

b. Tus Qauv Tseem Ceeb. Lub xeev yuav tsum ua raws li Tus Qauv Tseem Ceeb hauv qab no, raws cov ntaub ntawv kev noj qab haus huv thoob plaws lub xeev:

i. Cov Tsos Mob:

1. Txo qis txoj kev mus los ntawm kev mob khaub thuas zoo li mob tau tshaj tawm nyob rau hauv 14-hnub; thiab
2. Txo qis txoj kev mus los ntawm tus kab mob COVID-19-xws li cov teeb meem syndromic qhia hauv 14-hnub;

ii. Cov Neeg Muaj Tus Kab Mob: Txo qis txoj kev mus los ntawm cov kev kuaj pom tus kab mob yog feem pua ntawm tag nrho cov kev kuaj hauv 14-hnub; thiab

iii. Cov Tsev Kho Mob:

1. Kev kho txhua tus neeg mob yam tsis muaj kev kub ntshov txog kev kho mob;
2. Cov hauj lwm kev kuaj muaj nyob hauv cov chaw uas muaj kev pheej hmoo rau cov neeg ua hauj lwm kev kho mob; thiab
3. Ua kom muaj tsawg dua ntawm cov neeg ua hauj lwm kho mob uas kis tus kab mob no.

- 3. Kev ce qib hauv ib Kauj Ruam.** Ntxiv nrog rau kev nce qib hauv txhua kauj ruam saum toj no, Lub Tsev Haujlwm Saib Xyuas Kev Noj Qab Haus Huv, hauv kev sib tham nrog Xeev Wisconsin Kev Tsim Kho Kev Lag Luam, yuav tsum tshaj tawm cov kev txwv ntxiv kom txo qis qee yam kev lag luam los sis cov hauj lwm yog hais tias txiav txim siab tias tshem tawm cov kev txwv yuav muaj kev cuam tshuam tsawg kawg rau lub xeev tsab peev xwm ua kom tau raws li Cov Luag Hauj Lwm Tseem Ceeb thiab Tus Qauv Tseem Ceeb.
- 4. Cov ntawv xaj hauv zej zog.** Lub Tsev Haujlwm Saib Xyuas Kev Noj Qab Haus Huv, hauv kev sab laj nrog cov neeg saib xyuas kev noj qab haus huv hauv nroog, tuaj yeem daws cov teeb meem kev sib kis hauv cheeb tsam nrog thaj daim ntawv xaj hauv ib cheeb tsam. Tej zaum cov ntawv xaj no tuaj yeem suav nrog Kauj Ruam los sis kev txhim kho kom haum raws li qhov xav tau ntawm qhov chaw tshwj xeeb, cheeb nroog, los sis cheeb tsam.
- 5. Nyob Hauv Tsev Rau Kev Nyab Xeeb Dua tseem raug siv mus ntxiv.** Tsis muaj ib yam dab tsi hauv Daim Ntawv Xaj no hloov kho tshiab, hloov pauv, los sis hloov pauv rau Daim Ntawv Xaj Xwm Ceev #28, Daim Ntawv Xaj Nyob Hauv Tsev Rau Kev Nyab Xeeb Dua. Txawm li cas los xij, cov ntawv xaj kom teeb tsa cov kauj ruam hauv Tshooj 2 thiab cov ntawv xaj txo cov kev txwv hauv Tshooj 3 tej zaum yuav raug muab tshem tawm ntawm Daim Ntawv CXaj Xwm Ceev #28, yog hais tias tsim nyog raws li cov qauv teev tseg saum toj no.
- 6. Daim ntawv paub txog kev siv.** Yog hais tias ib qho kev tswj hwm ntawm Daim Ntawv Xaj no los sis nws cov ntawv thov rau ib tus neeg los sis ib qho xwm txheej tau ua tsis raug, ces qhov seem ntawm Daim Ntawv Xaj, suav nrog kev siv qee ntu los sis kev muab rau lwm tus neeg los sis xwm txheej, yuav tsis muaj kev cuam tshuam thiab yuav txuas ntxiv mus quab yuam thiab cuam tshuam. Txog rau qhov kawg no, cov kev cai ntawm Daim Ntawv Xaj no tau coj nruj.
- 7. Qhov chaw muaj txoj cai loj kawg nkaus.** Daim Ntawv Xaj no hloov lwm qhov hauv zej zog uas cuam tshuam nrog qhov daim ntawv xaj no.

Andrea Palm
Tus thawj hauj lawm-tus neeg txib
Lub Tsev Hauj Lwm Muab Kev Pab
Cuam Kev Noj Qaub Haus Huv
Xeev Wisconsin

Hnub tim